



Ubufakazi-besikhathi esizayo  
bezingane zethu

Isiqinisiso 2

Isihloko sesifundo: Ukubhaphathizwa ngoMoya oNgcwele

# Umhlahlandlela womzali

Isikole sangeSonto    Isikole sasekhaya



# Mzali Othandekayo

Uyamukelwa kusifundo: Ukubhaphathizwa ngoMoya oNgcwele

Lomqulu ukunika umhlahlandlela ofanele wokuba ungasethula kanjani lesi sifundo.

## Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Isenzo
1.	<p>Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: <a href="https://bit.ly/3NACSSH5">https://bit.ly/3NACSSH5</a></p>
2.	<p>Qoqa lezinzisa zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none"> <li>• IBhayibheli</li> <li>• Isifundo ngefomethi ye-PDF esivele silungisiwe</li> <li>• Incwadi yengane yokusebenzela kanye namapensele, amakhilayoni, njll.</li> <li>• I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho</li> <li>• Ikhathekizimu yemibuzo nezimpendulo (Ikakhulukazi kulesisifundo sesiQinisiso).</li> </ul> <p>Qaphela:</p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.3: Lesisifundo silungele ibanga lesiQinisiso 2.</p> <p>2.4: Uyacelwa uthinte uThisha wakho wesiQinisiso uma udinga noma yiluphi usizo noma uma udinga ezinye izinsizakufunda kulezi ezingenhla.</p>
3.	<p>Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.</p>



## Fundisa lesisifundo sesikole sangeSonto ekhaya

### Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Isenzo
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo.  <i>Isibonelo:</i> Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela (I Also Want To...)
11	Khuleka, noma ucele ingane yakho ukuba ikhuleke bese uphetha isifundo.

### Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo sesiQinisiso -2 nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho kanye noThisha ukuthola imidanti engeziwe.



## Isifundo

Isihloko	Ukubhaphathiza ngoMoya oNgcwele
Umbhalo weBhayibheli	<ul style="list-style-type: none"><li>• Izenzo 1 vs 4 - 8</li><li>• Izenzo 2 vs 1 - 4</li><li>• Izenzo 8 vs 15 - 17</li><li>• NgokukaMathewu 28 vs 19 -20</li><li>• NgokukaJohane 3 vs 5</li><li>• 2 KwabaseKhorinte 5 vs.17</li><li>• EkaJakobe 1 vs.18</li><li>• Kwabase-Efesu 4 vs 13</li><li>• NgokukaJohane 14 vs 3</li></ul>
Inhloso yesifundo	<p>Izinhloso zalesi sifundo yilezi:</p> <ol style="list-style-type: none"><li>1. AbaQinisiswa bakholelwa ukuthi ngokuzalwa kabusha ngamanzi nangoMoya<ol style="list-style-type: none"><li>a) Umuntu uba ngumntwana kaNkulunkulu, futhi</li><li>b) Uthola imfanelo yokuba abe yisithelo-sokuqala.</li><li>c) Bathole isibambiso senkazimulo yesikhathi esizayo.</li></ol></li></ol>

### Isifundo esifingqiwe:

UMoya oNgcwele wehlela kuJesu njengejuba emva kokuba uJohane uMbaphathizi embhaphathize ngamanzi. Wamukela uMoya oNgcwele uvela ngqo kuYise (qhathanisa. NgokukaMathewu 3: 16 kanye naNgokukaLuka 3: 22).

NgePhentekhoste, kwavela ezulwini inhloko yomoya onamandla ovunguzayo. Izilimi ezinjengamalangabi omlilo zabonakala kwabakholwayo ababebuthene. UMoya oNgcwele wahlala kubo bonke ababendawonye njengoba iNkosi uJesu yayifundisile (qhathanisa. Izenzo 1: 4-8 no 2: 1 - 4).

Ebandleni lokuqala, abaPhostoli babela isipho sikaMoya oNgcwele ngokubeka kwezandla nomkhuleko.

Namuhla abaPhostoli abaPhilayo bakaJesu Kristu basebenza ngokukhuthazela eBandleni iNew Apostolic Church. Bagcoba abantu abakholwayo emhlabeni wonke ngesipho sikaMoya oNgcwele.

Ngenkathi ekhuleka umPhostoli ubeka izandla zakhe kumuntu athi: "Yamukela uMoya oNgcwele egameni likaNkulunkulu uYise, iNdodana noMoya oNgcwele...."



INkosi uJesu yathi kuNikodemu: "Ngqiqinisile, ngiqinisile ngithi kuwe: 'Uma umuntu engazalwa ngamanzi nangoMoya, angengene embusweni kaNkulunkulu'" (NgokukaJohane 3: 5).

Ngoba sinoMoya oNgcwele, sidinga ukuthanda uBaba wethu oseZulwini, silalele izwi likaNkulunkulu, futhi siliphile. Kufanele ngaso sonke isikhathi sibe matasatasa ngemisebenzi ehlukenene endlini kaNkulunkulu, sikhuleke futhi njalo sifune ukufunda okuningi ngoNkulunkulu.

Njengabantwana bakaNkulunkulu sinazo zonke izizathu zokujabula. SinoBaba osezulwini osikhathalele ngezinto zasemhlabeni, kodwa ngaphezu kwakho konke ngokomoya.

Ingabe sisho ukuthini lesisifundo kithina namhlanje na?

Sifunde kulesi sifundo ukuthi:

- UmPhostoli ophilayo esikhathini sethu wabelana ngoMoya oNgcwele njengoba kwenza abaFundi.
- Kufanele ubhaphathizwe ngamanzi bese wamukeliswa uMoya oNgcwele ngomPhostoli, ukuze ube ngumntwana kaNkulunkulu.
- Siba "indalo entsha" ngemuva kokubhaphathizwa ngamanzi nangoMoya oNgcwele futhi kufanele sikuvumele ukukhula kwingaphakathi lethu ngokuba sibematasatasa emsebenzini kaNkulunkulu.
- Kumele sithole njalo injabulo emsebenzini kaNkulunkulu njengoba silungiselela ukubuya kukaJesu.

Eminye imibuzo esingayibuza:

1. UJesu wamukeliswa kanjani uMoya oNgcwele na?

*Impendulo: UMoya oNgcwele wehlela phezu kukaJesu njengejuba ngemuva kokuba uJohane uMbaphathizi embaphathize ngamanzi.*

2. UMoya oNgcwele wathululwa nini eJerusalema na?

*Impendulo: Ngosuku lwePhentekhoste.*

3. Wathululwa kanjani uMoya oNgcwele ngosuku lwePhentekhoste na?

*Impendulo: Kwazwakala inhloko yomoya onamandla uvela ezulwini. Izilimi ezinjengamalangabi omlilo zabonakala kwabakholwayo ababebuthene.*

4. Ingabe imiphefumulo isithola kanjani iSipho soMoya oNgcwele namuhla na?

*Impendulo: Ngokubekwa izandla kanye nomkhuleko ngomPhostoli ophilayo.*



5. Umuntu angangena kanjani eMbusweni kaNkulunkulu na?

*Impendulo: Ngokubhaphathizwa ngamanzi nangoMoya oNgcwele.*

6. Iyiphi indlela yokuphila koMntwana kaNkulunkulu owabhaphathizwa ngamanzi noMoya oNgcwele okufanele aziphathe ngayo na?

*Impendulo: Sidinga ukuthanda uBaba wethu oseZulwini, silalele izwi likaNkulunkulu, futhi siliphile.*

*Kufanele ngaso sonke isikhathi sibe matasatasa ngemisebenzi ehlukene endlini kaNkulunkulu, sikhuleke futhi sifune njalo ukufunda okuningi ngoNkulunkulu.*



## Umbhalo ongeziwe Bazali abathandekayo

1. Umsebenzi okufanele wenziwe encwadini yomsebenzi wengane yesiqinisiso. Kuyingxenye yesifundo sama -22. Lokhu kungenziwa ngemuva kokuba isifundo sethuliwe kubo noma uma ukhetha, ungakwenza njengomsebenzi lapho wena nengane yakho nikwenza khona ndawonye.
2. Njengengxenye yomsebenzi wasekhaya, ingane yakho kumele futhi ijwayele ukufunda njalo isivumo sokholo sesishiyagalombili.

### Ngamazwi athi:

Ngiyakholwa ukuthi labo ababhathizwe ngamanzi kufanele, bamukeliswe isipho sikaMoya oNgcwele ngomPhostoli ukuthola ubuntwana bukaNkulunkulu ngalokho bafaneleke ukuba babe yizithelo-zokuqala.

AbaQinisiswa kudingeka bazi leso naleso sivumo sokholo noma okungenani kufanele bakwazi ukuchaza ukuthi isivumo sokholo simayelana nani ekupheleni kwezifundo zabo zokuqinisiswa.

## UMkhuleko kaBaba noMama ngaphambi kwesifundo:

*Nkulunkulu othandekayo, ngiyakubonga ngalolusuku*

*Busisa bonke abazali nezingane*

*Sengathi singabuzwa ubukhona baKho*

*Busisa isifundo esizoba naso*

*Sicela usifundise ukukukhonza*

*Futhi usisize ukwenza intando yaKho*

*Ukuze sikhule sisondele kuWe*

*Thumela uJesu azosilanda*

*Futhi kwangathi singalungela ukuhlangana naYe*

*Amen*